

ՆԱԽԱԳԻԾ


ՄԱՍՈՒԿԱ ԲԱՆԽՏԱԶԵ. «ԱՐՏԱԴՐԻՐ ՎՐԱՍԱՆՈՒՄ» ԾՐԱԳՐԻ ՇՐՋԱՆԱԿՆԵՐՈՒՄ ԻՐԱՎԱՆԱՑՎԵԼ Ե 5 313 ՏԱՐԱԾԱՇՐՋԱՆԱՅԻՆ ՆԱԽԱԳԻԾ»

(Սկիզբը՝ 1-ին էջում)

րո եւ փոքր գործարարության աջակցության նպատակով, մեր կառավարությունը 2015 թվականից սկսել է իրականացնել «Արտադրի՛ր Վրաստանում» ծրագիրը: Այն առանձնակի հրատապ է տարածաշրջանների համար, քանի որ մեր կառավարության գլխավոր առաջ-

նահերթություններից մեկը տարածաշրջանների հավասարաչափ զարգացումն է, տնտեսական աճի ապահովումը, որն արտացոլվելու է յուրաքանչյուր քաղաքացու կենսապայմանների վրա»,- հայտարարեց վարչապետը՝ հավելելով, որ միայն այս տարի միկրոդրամաշնորհներ է տրվել 917 քաղաքացու, ովքեր, մինչեւ տարեվերջ, համաֆինանսավոր-

ման կարգով, կստանան 8300000 լարի: «Առանձնակի ուրախալի է այն փաստը, որ համաֆինանսավորում ստացողների 45 տոկոսը կանայք են: Ընդհանուր առմամբ, ընթացիկ տարվա ընթացքում ֆինանսավորում է տրվելու 62230 նախագծերի, համաֆինանսավորման գումարը կազմելու է 47 միլիոն լարի»,- նշեց Մամուկա Բախտաձեն:



ՄԵԾ ԲՐԻՏԱՆԻԱ BREXIT-Ի ՇՈՒՐՋ ՔՎԵԱՐԿՈՒԹՅՈՒՆԸ ԶԵՂԱՐԿՎԵԼ Ե

Մեծ Բրիտանիայի վարչապետ Թերեզա Մեյը չեղարկել է քվեարկությունը բրիտանական խորհրդարանի Դամայնքների պալատում Brexit-ի պայմանների վերաբերյալ կառավարական համաձայնագրի շուրջ, որը պետք է կայանար դեկտեմբերի 11-ին:

Մեյը Brexit-ի շուրջ չեղարկել է քվեարկությունը խորհրդարանում, որպեսզի խուսափի ծանր պարտությունից: Տեղի դիտորդների գնահատումների համաձայն՝ նրա կառավարությունը պարտություն էր կրելու քվեարկության անցկացման դեպքում, քանի որ իշխող Պահպանողական կուսակցության եվրասկեպտիկների թելը, ինչպես նաև՝ հյուսիսիռլանդական Դեմոկրատական յունիոնիստական կուսակցությունից թորիներին պաշտանող պատգամավորները կտրուկ դեմ են Brexit-ի վերաբերյալ նախարարների կաբինետի պատրաստած գործարքին:

Դեկտեմբերի 13-ին, Մեծ Բրիտանիայի խորհրդարանի ստորին պալատում Պահպանողական կուսակցության պատգամավորները՝ ձայների մեծամասնությամբ վստահություն հայտնեցին Թերեզա Մեյին: Այսպիսով, Մեյը մնում է պահպանողականների կուսակցության առաջնորդը եւ պահպանում է վարչապետի պաշտոնը:

ՖՐԱՆՍԻԱ ԱՐԱԲԵԿԶԱԿԱՆ ԳՈՐԾՈՂՈՒԹՅՈՒՆ ՄՍՐԱՍԲՈՒՐԳՈՒՄ

Ֆրանսիայի Ստրասբուրգ քաղաքում սուրբծննդյան շուկայի վրա հարձակումը տեղի է ունեցել դեկտեմբերի 11-ին, տեղի ժամանակով 19:50-ին: 29-ամյա հարձակվողին հաջողվել է թաքնվել դեպքի վայրից: Հարձակվողի որոնողական գործողությունների մասնակցում է մոտ 400 իրավապահ: Գործողությանը ներգրավված է երկու ուղղաթիռ: Հարձակման ժամանակ զոհվել է երեք մարդ, տուժել՝ 13-ը: Շեքիֆ Շեքաթը, որին կասկածում են դեկտեմբերի 11-ին Ստրասբուրգում Սուրբծննդյան տոնավաճառի այցելուների վրա զինված հարձակման մեջ դեկտեմբերի 13-ի երեկոյան սպանվել է Գերմանիայի հետ սահմանից ոչ հեռու:

ԱՄՆ ՍԱՌԴՅԱՆ ԱՐՔԱՅԱԶՆԸ ՄԵՂԱԴՐՎՈՒՄ Ե ՄՊԱՆՈՒԹՅԱՆ ՄԵՋ

ԱՄՆ-ի Սենատը քվեարկել է Եմենի հակամարտությունում Սաուդյան Արաբիային ցույց տրվող ռազմական օգնությունը դադարեցնելու օգտին՝ լրացողը Ջամալ Խաշկոջիի սպանության պատճառով: Օրենսդիրների ընդունած բանաձեւում սպանության մեղքը բարդվում է Սաուդյան Արաբիայի գահաժառանգ արքայազն Մուխամեդ իբն Սալման ալ Սաուդի վրա: Եվս մեկ փաստաթուղթ ԱՄՆ-ի նախագահին կոչ է անում հանելու գործերը Եմենից: 56 սենատորներ քվեարկել են Եմենի վերաբերյալ բանաձեւի օգտին, դեմ են եղել 41 սենատորներ: Բանաձեւը խորհրդատվական բնույթ է կրում եւ կարող է արգելափակվել նախագահի կողմից:

ԹՈՒՐԷԻԱ ԵՐԿԱԹՈՒՂԱՅԻՆ ՎՅԱՐՄԱՆ Ե ԳՐԱԿԱՅԻՆ ԶՈՂՆԵՐՈՎ

Դեկտեմբերի 13-ին, Թուրքիայում, Անկարայից Քոնիա ուղեւորվող գնացքը բախվել է լոկոմոտիվի հետ, որից հետո երկու վագոնները դուրս էին եկել ռելսերից: Պատահարի արդյունքում, նախնական տվյալների համաձայն, 9 մարդ մահացել է, 46-ը ստացել են վնասվածքներ, երեքի վիճակը ծանր է:

ՎՐԱՍԱՆ - ԱՄՆ

ՀԵՌԱԽՈՍԱԶՐՈՒՅՑ՝ ՎՐԱՍԱՆԻ ՆՈՐԸՆՏԻՐ ՆԱԽԱԳԱՐԻ ԵՎ ԱՄՆ ՊԵՏՔԱՐՏՈՒՂԱՐԻ ՄԻՋԵՎ

Դեկտեմբերի 11-ին Վրաստանի նորընտիր նախագահ Սալուձե Ջուրաբիշվիլու եւ ԱՄՆ պետքարտուղար Մայք Փոմփեյնի միջեւ կայացել է հեռախոսազրույց:

Զրույցի ժամանակ պետական քարտուղար Մայք Փոմփեյնը Սալուձե Ջուրաբիշվիլուն շնորհավորել է նախագահական ընտրություններում հաղթելու առիթով, պետական գործերում մաղթել հաջողություն, եւ հույս հայտնել, որ նորընտիր նախագահն առաջիկայում այց կիրականացնի ԱՄՆ:

Պետքարտուղարը Սալուձե Ջուրաբիշվիլու հետ զրույցում մեկ անգամ եւս ընդգծել է, որ ԱՄՆ-ը աջակցում է Վրաստանի տարածքային ամբողջականությանը եւ ինքնիշխանությանը:

ԱՄՆ ՆՈՐ ԴԵՄՊԱՆԻ ՆՇԱՆԱԿԱՆ ՀԵՏ ԿՄՊՎԱԾ ՏԱՐԱԶԱՅՆՈՒԹՅՈՒՆՆԵՐ...

Ամերիկյան ազդեցիկ Foreign Policy ամսագիրը տպագրել է հոդված՝ նվիրված Վրաստանում ԱՄՆ-ի արտակարգ եւ լիազոր պաշտոնում Բրիջիթ Բրինքսի նշանակման հետ կապված իրարանցման վերաբերյալ:

Ամսագիրը հենվելով իր աղբյուրների վրա, նշում է, որ Վրաստանի կառավարությունը շրջափակում է Բրինքսի թեկնածությունը նախկին նախագահ Միխե-

իլ Սաակաշվիլուն համակրելու պատճառով: Նշենք, որ Վրաստանի իշխանությունները կտրականապես հերքում են նման ենթադրությունները:

Իր հերթին, Վրաստանում ԱՄՆ դեսպանի պաշտոնակատար Ռոս Ուիլսոնը հայտարարեց, որ Վաշինգտոնը խիստ մտահոգություն է հայտնել այն կապակցությամբ, որ ԱՄՆ դեսպանի նշանակման հարցը հետաձգվում է, եւ այն կարող է լուծվել միայն 2019 թվականին:

ՎՐԱՍԱՆ - ՆԱՏՕ

ՔՆՆԱՐԿՎԵՅԻՆ ԱՆՅԱՆՍԻՆ ԱՆԴԱՄԱԿՅԵԼՈՒ ՌԻԴՈՒԹՅԱՄԲ ՎՐԱՍԱՆԻ ԱՌԱՋԸՆԹԱՅԻՆ ԱՌԵՉՎՈՂ ՀԱՐՅԵՐ

(Սկիզբը՝ 1-ին էջում)

Վրաստանի վարչապետի եւ ՆԱՏՕ-ի գլխավոր քարտուղարի ներկայացուցչի հանդիպմանը, կողմերը քննարկեցին Վրաստան-ՆԱՏՕ հարաբերությունների խորացման, Վրաստանում իրականացվող բարեփոխումների հետ առնչվող հարցեր: Հանդիպմանը նշվեց, որ 2018 թվականն առանձ-

նակի արդյունավետ էր Վրաստան-ՆԱՏՕ հարաբերությունների տեսանկյունից եւ առանձնահատուկ այդ ուղղությամբ վերջին տարիներին ձեռք բերած առաջընթացի առումով: Մամուկա Բախտաձեի հայտարարությամբ, Վրաստանի եվրատլանտյան միտվածությունը իր գլխավորած կառավարության գլխավոր առաջնահերթությունն է:

Հանդիպմանը ՆԱՏՕ-ի գլխավոր քարտուղարի ներկայացուցչը բարձր գնահատեց 2018 թվականին Վրաստանում անցկացված նախագահական ընտրությունները: Նրա խոսքով, միջազգային կազմակերպությունները, այդ թվում՝ ԵԱՀԿ-ն բարձր գնահատական են տվել այդ ընտրություններին:



ՎՐԱՍԱՆ - ՀԱՅԱՍՏԱՆ

ԶԱՆՔԵՐԻ ՀԱՄԱՏԵՂՈՒՄ ԹՄՐԱՄԻՋՈՑՆԵՐԻ ԱՊՕՐԻՆԻ ՇՐՋԱՆԱԴՐՈՒԹՅԱՆ ԴԵՄ ՊԱՅՔԱՐՈՒՄ



Հանդիպման գլխավոր նպատակը թմրամիջոցների միջազգային ապօրինի շրջանառության դեմ պայքարի գործում հարեւան երկրների միջեւ համագործակցության խորացումն է, ինչը Վրաստանի եւ Հայաստանի իրավապահ մարմինների

Վրաստանի եւ Հայաստանի մաքսային ծառայությունների, ոստիկանությունների, ազգային անվտանգության ծառայությունների եւ դատախազությունների աշխատակիցները մասնակցեցին ԱՄՆ արդարադատության նախարարության թմրամիջոցների դեմ պայքարի (DEA) տարածաշրջանային գրասենյակի կազմակերպմամբ անցկացված «Թմրամիջոցների վերահսկելի մատակարարում» թեմայով աշխատանքային հանդիպմանը:

թույլ կտա համատեղ կազմակերպել թմրամիջոցների, հոգեմետ նյութերի ու պրեկուրսորների վերահսկելի մատակարարումներ: Այդ նպատակով քննարկվել են գործողությունների մանրամասները, դիտարկվել երկու երկրների օրենսդրություններն ու փորձը: Հանդիպմանը Վրաս-

տանի եւ Հայաստանի մաքսանենգության դեմ պայքարի աշխատակիցները ներկայացրին վերահսկելի մատակարարումների վերաբերյալ երկու երկրների մաքսային օրենսդրության ու միջազգային պայմանագրերի դրույթներն ու այդ ուղղությամբ անցկացրած միջոցառումները:

ՄԵՐ ՌՈՒՄԹԱՎԻՆ ԵՎ ՀԱՅԱՍՏԱՆՅԱՆ ՄԱՐՏՈՒՆԻՆ ԱՏՈՐԱԳՐԵՑԻՆ ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

Դեկտեմբերի 12-ին Հայաստանի Մարտունի եւ Վրաստանի Ռուսթավի քաղաքային համայնքների միջեւ ստորագրվեց համագործակցության հուշագիր: Այն ստորագրվեց Մարտունիի քաղաքապետարանում՝ Մարտունիի քաղաքապետ Արմեն Ավետիսյանի եւ Ռուսթավիի քաղաքապետ Իրակլի Թաբազուայի կողմից:

«Հաշվի առնելով փոխադարձ համագործակցության, հետագա կապերի զարգացման ու խորացման անհրաժեշտությունը, երկու կողմերը պատրաստ են ստեղծել նպաստավոր համապատասխան պայմաններ փոխադարձ այցերի, շփումների, ընդհանուր ու փոխշահավետ ծրագրերի քննարկման, հաստատման ու իրականացման համար: Փոխադարձ համագործակցության ու եղբայրական կապերի հաստատման գործում կարեւորագույն ուղղություններ են հանդիսանում առեւտրատնտեսական, մշակութային եւ զբոսաշրջության զարգաց-

ման ուղղությունները: Համոզված են, որ այս բարեկամության հաստատումն արդյունավետ միջոց է մեր երկու քաղաքների զարգացման, բնակչության բարեկեցության ապահովման համար»,- նշեց Մարտունիի քաղաքապետ Արմեն Ավետիսյանը:



Վրաստանի վարչապետի եւ ՆԱՏՕ-ի գլխավոր քարտուղարի ներկայացուցչի հանդիպմանը, կողմերը քննարկեցին Վրաստան-ՆԱՏՕ հարաբերությունների խորացման, Վրաստանում իրականացվող բարեփոխումների հետ առնչվող հարցեր: Հանդիպմանը նշվեց, որ 2018 թվականն առանձ-

Շարաքից շարաք. Փաստեր եւ իրադարձություններ

ՀԱՂՈՐԳՈՒԹՅՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ


ՖԻՆԱՆՍՆԵՐ

ԽՈՐՀՐԳԱՐԱՆԸ ՀԱՍՏԱՏԵՅ 2019 ԹՎԱԿԱՆԻ ՊԵՏՔՈՒԶԵԻ ՆԱԽԱԳԻԾԸ


(Սկիզբը՝ 1-ին էջում)

ված ֆինանսական ռեսուրսները օգտագործել ընթացիկ ծախսերի համար: «Ընթացիկ ծախսերը պետք է ֆինանսավորվեն ընթացիկ եկամուտներից: Ըստ իս, այդ կարգը ընդհանրապես քննարկման ենթակա չէ»,- հայտարարեց ֆինանսների նախարարը: Նրա խոսքով, 2019 թվականի համար ենթակառուցային նախագծերի ֆինանսավորման նպատակով, առանձնացվում է 3,7 միլիարդ լարի: Նախարար-

րի հավաստմամբ, ճանապարհային ենթակառուցների կարգավորման համար հատկացվում է 1302,1 միլիոն լարի, մունիցիպալային ենթակառուցների բարելավման համար՝ 1,3 միլիարդ լարի: Նախարարի խոսքով, ավելացվում է նաև առողջապահական նախագծերի ֆինանսավորումը: Այն ավելացվում է 61 միլիոն լարիով եւ ընդհանուրը կհասցվի 1045,0 միլիոն լարի: Ինչպես նշեց Իվանե Մաճավարիանին, բնակչության համընդհանուր առողջապահության ծրագրի համար, որից տա-



րեկան օգտվում է շուրջ 1 միլիոն քաղաքացի, նախատեսված է հատկացնել 754 միլիոն լարի:




ՀԱՐԳԱՆՔԻ ՏՈՒՐՔ՝ ԶՈՒՐԱՔ ԺՎԱՆԻԱՅԻ ՀԻՇԱՏԱԿԻՆ

Դեկտեմբերի 10-ին, Վրաստանի նախկին վարչապետ Զուրաբ ժվանիայի ծննդյան օրվա՝ 55-ամյակի կապակցությամբ, Վրաստանի գործող նախագահ Գրորգի Մարգվելաշվիլին այցելեց Դիդուբեի գրողների եւ հասարակական գործիչների պանթոն՝ հարգանքի տուրք մատուցեց նրա հիշատակին:

Նույն օրը Զուրաբ ժվանիայի շիրիմին այցելեց նաև Վրաստանի նորընտիր նախագահ Սալոմե Զուրաբիշվիլին:

ՄԱՐԱՏԵԼ Ե ԲԻԶՆԱՍ ԻՎԱՆԻՇՎԻԼՈՒ ՄԱՅՐԸ



Դեկտեմբերի 11-ին, Սաջխերեքաղաքում, 96 տարեկան հասակում մահացել է Վրաստանի իշխող կուսակցության՝ «Վրացական երազանք-ժողովրդավարական Վրաստան» կուսակցության հիմնադիր եւ ղեկավար Բիծինա Իվանիշվիլու մայրը՝ Ցիցինո Իվանիշվիլին:

«Վրաստան» թերթի խմբագրությունը, Թբիլիսիի Պետրոս Աղամյանի անվան պետական հայկական դրամատիկական թատրոնի կոլեկտիվը իրենց վշտակցությունն են հայտնում Բիծինա Իվանիշվիլուն սիրելի մոր մահվան կապակցությամբ:

ՆԱԽԱՁԵՆՈՒԹՅՈՒՆ

ԴԵԿՏԵՄԲԵՐԻ 15-ԻՑ ՍԿՍՎԵՑ ՊԱՐՏՔԵՐԻ ԶՐՈՅԱՑՈՒՄԸ


(Սկիզբը՝ 1-ին էջում)

տարարեց Վրաստանի վարչապետ Մամուկա Բախտաձեն, 600 հազար քաղաքացիներ, ովքեր բանկերի այսպես կոչված «սեւ ցուցակներում» են՝ դուրս կգան այդտեղից, եւ դրա համար անհրաժեշտ գումարը՝ 1.5 միլիարդ լարին, կվճարի Բիծինա Իվանիշվիլու «Քարթու» հիմնադրամը: Այն մարդկանց պարտքերը կմարվեն, որոնց՝ յուրաքանչյուր ֆինանսական ընկերություն-

նում հիմնական պարտքի գումարը չի գերազանցում 2 հազար լարին, չնայած հնարավոր է, որ դրանք լինեն մի քանի պարտքեր, որոնց գումարը շատ ավելի է, քան 2 հազար լարին: Նաև պարտքը չպետք է վճարված լինի առնվազն նախորդ մեկ տարվա համար: Վարկերը չեն մարվի՝ «Vivus» միկրոֆինանսական կազմակերպության հաճախորդների, քանի որ այդ ընկերությունը համաձայն չէ մարել պարտքերը եւ ուն պարտ-

քի հիմնական գումարը գերազանցում է 2 հազ. լարին: Հատուկ բացված կայքը յուրաքանչյուր քաղաքացու հնարավորություն է ընձեռում ստուգել, թե սույն նախաձեռնությունը որքանով է առնչվում իրեն: Ֆինանսների նախարարության լրատվությամբ, Vali.ge կայքէջում այս պահին տեղադրված է՝ 407 հազարից ավելի մարդու, 679 հազարից ավելի պարտքային գրառման մասին լրատվություն, որոնց

պարտքերի ընդհանուր ծավալը գերազանցել է երեք միլիարդ լարին: Դրա հետ մեկտեղ, «Քարթու» հիմնադրամի տնօրինության նախագահ Նիկոլոզ Զխետիանին պարզաբանում է, որ քաղաքացիների մոտ, որոնց տվյալներն արդեն հրապարակվել են, արդեն գրոյացվել են պարտքերը: Ավելացնենք, որ սույն նախաձեռնությունն իրականացվելու է դեկտեմբերի 15-ից մինչև դեկտեմբերի 31-ը:



ԱՆՁԸ ՀԱՍՏԱՏՈՂ ԱՆՎՃԱՐ ՎԿԱՅԱԿԱՆՆԵՐ՝ ՍԱՀՄԱՆՓՈՎԱԿ ՀՆԱՐԱՎՈՐՈՒԹՅՈՒՆՆԵՐ ՈՒՆԵՅՈՂ ԱՆՁԱՆՅ ՀԱՍԱՐ

Վրաստանի արդարադատության նախարար Թեա Ծուլուկիանու հայտարարությամբ, սահմանափակ ունակություններով անձինք, դեկտեմբերի 10-ից հունվարի 10-ը ներառյալ, անձը հաստատող վկայականները կստանան անվճար:

Նախարարությունում անցկացված մամուլի ասուլիսին գերատեսչության ղեկավարը նշեց, որ սահմանափակ հնարավորություններ ունեցող անձի կարգավիճակը հաստատող փաստաթուղթ ներկայացնելու դեպքում, չափահասների համար անձնագիրը եւ անձը հաստատող վկայական ստանալը կլինի անվճար, իսկ անչափահասները, համապատասխան տեղեկանք ներկայացնելու դեպքում, անձը հաստատող էլեկտրոնային վկայականները կստանան անվճար:

Անձը հաստատող փաստաթղթերն անվճար ստանալու համար, քաղաքացիները պետք է դիմեն արդարադատության տներին, պետական ծառայությունների զարգացման գործակալության տարածքային ծառայությունների կամ հանրային կենտրոններին: Արդարադատության նախարարության տեղեկությամբ, անձը հաստատող անվճար վկայականի ակցիան, Թեա Ծուլուկիանու նախաձեռնությամբ, պարբերաբար հայտարարվում է 2013 թվականից:

ՍՈՑԻԱԼԱԿԱՆ

ՄԱՍՈՒԿԱ ԲԱՆՏԱԶԵ. «ՄԵՆՔ ԳՈՐԾ ՈՒՆԵՆՔ ԱՆԱՐԴԱՐ ՄՐՑԱԿՑՈՒԹՅԱՆ ՀԵՏ»

ՀԱՑԸ ԹԱՆԿԱՑԵԼ Է. ԱՐՏԱՔԻՆ ԳՈՐԾՈՆՆԵՐ, ԹՇՆԵՐՔԻՆ ՄՐՑԱԿՑՈՒԹՅՈՒՆ

Դեկտեմբերի 10-ին Վրաստանում հացը թանկացել է: Վաճառքի կետերում հացի գինը աճել է 5-10 թեթրիով: Բնականաբար, կենսականորեն կարելու ազդույն մթերքի նման անսպասելի թանկացումը լայն արձագանք է առաջացրել հասարակությունում: Ոմանք հացի թանկացումն առնչում են հացամթերքների համաշխարհային շուկայում ցորենի եւ հատիկայինների գների բարձրացման հետ, մյուսները համարում են, որ դա պայմանավորված է միայն եւ միայն ներքին մրցակցությամբ, որը տարվում է հացամթերքներ արտադրող ընկերությունների միջև:

Վրաստանի վարչապետ Մամուկա Բախտաձեն, անդրադառնալով հացի թանկացման թեմային, ներկայացնելով կառավարության պաշտոնական դիրքորոշումը, հայտարարեց. «Ուզում են անդրադառնալ այսօրվա տեղեկություններին, հացի գնի կտրուկ աճի վերաբերյալ: Կասկած կա, հնարավոր է, որ մենք գործ ունենք անարդար մրցակցության հետ: Ցանկանում են դիմել համապատասխան մարմիններին, որպեսզի ամենակարճ ժամանակում ուսումնասիրեն այս իրավիճակը եւ պատրաստեն գեկույց, թե ինչի հետ գործ ունենք: Վրաստանը շուկայական տնտեսություն է, մենք ունենք բաց տնտեսություն, սակայն անարդար մրցակցություն ոչ մեկի թույլ չենք տա»:

Հացի գնի ավելացման հարցում իշխանությունների մասնակցությունը կտրակա-նապես բացառեց նաև Վրաստանի շրջակա միջավայրի եւ գյուղատնտեսության նախարար Լեւան Դավիթաշվիլին: Նրա խոսքով, հացի գնի բարձրացումը պայմանավորված չէ պետության կողմից սահմանված որեւէ կարգավորմամբ: «Չնայած մեծ թվով հացի փոռերի, միեւնույն է, հացի շուկան կենտրոնացված է եւ դրանում մի քանի խաղացողներ գերիշխող դեր են կատարում: Բոլորս լսեցինք վարչապետի հայտարարությունը: Նա համեմարարել է համապատասխան կառույցներին, որոնք էլ պարզաբանելու են, թե որքանով են ավելացված գները համապատասխանում այն իրականությանը, որը բռնկ է մեզանում: 2017 թվականի համեմատությամբ, այս տարի հատիկայինների բերքատվությունը, ելնելով կլիմայական պայմաններից, ավելի մվազ էր: Նվազել է նաև արտահանումների ծավալը, եւ այս տարի ցորենի գինը, 2017-ի համեմատությամբ, ավելի բարձր է: Սակայն, թե որքանով է այդ ավելացումը համապատասխանում մեզանում վավերացված գների բարձրացմանը, որոշակի հարցեր են առաջացնում»,- ընդգծեց նախարարը՝ հավելելով, որ իշխանության համար արտակարգ մշանակալի է, որպեսզի համապատասխան գերատեսչությունների կողմից տրվի սույն չափազանց զգայական հարցի հստակ պատասխանը:

Ինչ վերաբերում է արտաքին գործոնների ազդեցությանը, ապա, ինչպես հայտարարեց հացամթերք արտադրողների ասոցիացիայի նախագահ Մալխազ Դուլիձեն, նախորդ տարվա համեմատ, մեկ պարկ ալյուրը թանկացել է 32 տոկոսով: «Այսօր նրա գինը 47-50 լարի է: Բացի այդ, ըստ նոր կարգավորման, հացը պետք է փաթեթավորվի թղթե պարկի մեջ, ինչը նույնպես բարձրացնում է հացի գինը: Վերջնական արդյունքում, հացի գինը 5-10 թեթրիով թանկացել է»,- նշեց նա:

Հացը թանկացրել է նաև հացամթերքի արտադրության «Իվիլի» խոշորագույն ընկերությունը: Ստացված տեղեկատվությամբ, հացի գինը բարձրացել է 10 թեթրիով: Ընկերությունում նշեցին, որ դա նվազագույն գնային ճշգրտում է, որը թույլ կտա ընկերությանն արտադրել որակյալ արտադրանք՝ առավել մատչելի գնով:

«Ընթացիկ տարվա դեկտեմբերի 10-ից, Վրաստանի խանութներում, «Իվիլի» հացամթերքները կվաճառվեն փոփոխված գներով: Այս որոշումը ընկերության կողմից կայացվել է համաշխարհային շուկայում ստեղծված իրավիճակի հիման վրա: Վերջին մի քանի ամիսների ընթացքում ցորենի գինը, համապատասխանաբար, շատ երկրներում հացի համար անհրաժեշտ ալյուրի գինը զգալիորեն աճել է: Փոփոխություններն ազդել են վրաց արտադրողների վրա էլ: Այսօրվա դրությամբ, մեկ պարկ ալյուրի արժեքը տատանվում է 47-ից մինչև 50 լարիի սահմաններում, սա այն դեպքում, երբ օգոստոսին՝ 33-ից 35 լարի էր:

Մի քանի ամիս շարունակ, «Իվիլի» ընկերությունը պահպանել է հացահատիկային ապրանքների գները անփոփոխ՝ ընկերության պահուստների եւ ռեսուրսների հաշվին: Ցորենի եւ ալյուրի գնաճի վերջին տենդենցը ստիպեց ընկերությանը վերանայել հացի գնային քաղաքականությունը»,- հայտարարում են ընկերությունից:



ՄԻՍՈՆ ԿԻԼԱԶԵ

ՅԻՇԵՆՔ ՄԵՐ ԳՈՐԾՆԿԵՐՈՋԸ ԵՎ ԳՐԱԿԱՆՈՒԹՅԱՆ ՆԱՐԱՊԵՏԻՆ

Մինչ Բենիկ Սեյրանյանին նվիրված այս տողերին անդրադառնալը՝ մենք հարցում կատարեցինք Թբիլիսիի դպրոցականների շրջանում, թե Սեյրանյանի՝ ժամանակին ձեռքից-ձեռք անցնող երկու տասնյակից ավելի գրքերից, որոնք հրատարակվել են Թբիլիսիում, Երևանում, Մոսկվայում, ո՞րն են կարդացել: Պարզվեց՝ ոչ մեկը: Առավել տխրալիս այն է, որ, ծնված լինելով Թբիլիսիում, գրեթե ոչ մեկը չէր լսել այդ քաղաքում ապրող ու ստեղծագործող իրենց հայրենակից եւ ընթերցասերների ու գրաքննադատների կողմից մեծ ճանաչում վայելած գրողի անունը:

Նրա մասին սույն անդրադարձը համեստ փորձ է՝ մեր խոնարհումը բերել Սեյրանյանի լրագրողական ու գրական վաստակին եւ ներկա սերնդին հիշեցնել՝ Վրաստանի հայ գրական ու հասարակական կյանքում իր մնայուն դրոշմը թողած արժանավոր արվեստագետի ավանդը:

Ասենք, որ 2018թ.-ի դեկտեմբերի 12-ին լրացավ Բենիկ Սեյրանյանի ծննդյան 105-ամյակը: Նա ծնվել է 1913թ.-ին, Հայաստանի Նոյեմբերյանի շրջանի Կոթի գյուղում (այժմ Շավարշավան): Պատանի հասակից ընտանիքի հետ փոխադրվել է Թբիլիսի, ուր ավարտել է տեղի Ալ.Մյասնիկյանի անվան հայկական մանկավարժական ուսումնարանը, ապա՝ Երևանի մանկավարժական ինստիտուտը: Իբրեւ ուսուցիչ աշխատել է Աբխազիայի Օչամչիրա շրջանի Լաբրա գյուղում, ապա՝ հայրենի Կոթի միջնակարգ դպրոցում: Գրել սկսել է դպրոցական նստարանից, առաջին անգամ տպագրվել է 1930թ.-ին՝ Թբիլիսիում այն տարիներին լույս տեսնող, հայկական «Կարմիր ծիլեր» մանկական ամսագրում: Նրա անդրանիկ «Քարափի կածանը» գիրքը հրատարակվել է 1935-ին, դարձյալ Թբիլիսիում:

Բենիկ Սեյրանյանի գրական ճանապարհը սկսվեց «Վրաստան» թերթում (այն օրերին «Պրոլետար»), ուր աշխատեց մինչև 90 տարեկանը՝ անցնելով ստաժոր-լրագրող-մշակույթի ու գիտության բաժնի վարիչ, վերընթաց ուղին: Նրան նախասահմանված էր լինել ե՛լ լրագրող, ե՛լ գրող, ե՛լ դրամատուրգ: Այդ տաղանդներից յուրաքանչյուրը առանձին-առանձին միահյուսվեց ազգային ավանդապահությամբ բնորոշվող նրա մարդկային էությանը եւ Վրաստանի հայ իրականությունը բերեց արվեստագետի վառ նկարագիր, ով ստեղծագործական կենսագրության գրեթե 70 տարիների ընթացքում, որն ընդգրկեց 20-րդ դարի 30-2000-ական թվականները, մնաց այդ իրականության առաջնագծում:

...Բենիկ Սեյրանյանը 1985-ից մինչև կյանքի վերջ Վրաստանի գրողների միության հայկական մասնաճյուղի նախագահն էր, այդ ընթացքում նա դարձավ Վրաստանի հայ գրական հարթակի ստեղծագործողներին համախմբող, ամենամյա «Կամուրջ» ավանախի երկարաժամկետ խմբագիրը: Եվ, իհարկե, հպարտությամբ մենք Թբիլիսիի հայակետու «Վրաստան» թերթի «Մշակույթի եւ գիտության» բաժնի բազմամյա վարիչը, ուր ընդունվեց, երբ 20 տարեկան էր... Սեյրանյան լրագրողի եւ արվեստագետի նկարագիրը, անշուշտ, լրացնում են նաեւ ծաղրանկարչական արվեստին տիրապետե-

լը, ինչի հավաստումն են թերթի էջերում պահպանված նրա շարժերը ու՝ հասարակական հռետորի՝ պրոֆեսիոնալ մակարդակով արտահայտված, բնատուր կարողությունը...

Ասում են՝ պատահական չէր Բենիկ Սեյրանյանի «Վրաստան» թերթում հայտնվելը, իրականում դա օրինաչափ շարունակությունն էր վրացահայ գրական ավանդական ընթացքի: Չէ՞ որ, անցյալ դարի 30-40-ական թվականներից, «Վրաստան» թերթին աշխատակցել կամ նրանում իրենց գրական առաջին փորձերն են սկսել Վրաստանի հայ գրական պրոցեսի եռանդուն շատ գործիչներ՝ գրողներ, բանաստեղծներ Արշավիր Ալեկսյանը, Պողոս Մակինյանը, Սերգո Խանոյանը, Ռուբեն Ջարյանը, Մաթեոս Դարբինյանը, Մարտին Քարամյանը, Հովհաննես Կարայանը, Մկրտիչ Ասլանյանը, Սահակ Մանվելյանը, Աղասի Այվազյանը, ավելի ուշ՝ Վիկտոր Հովսեփյանը, Ժորա ՍՃիսյանը, Անահիտ Բոստանջյանը, Միքայել Ախտյանը, Խաժակ Եփրիկյանը, Հենրիկ Սահակյանը...

Բենիկ Սեյրանյանի ինքնակենսագրական տողերում կարդում ենք. «Սկսելով բանաստեղծություններից՝ անցել եմ պատմվածքի, նովելի, վեպի, վիպակի եւ թատերգության...»: Իրականում, այս շարքին պետք է գումարել նաեւ ակնարկը, մանրապատումը, էսսեն, ֆելիետոնը... Նրա «Արյան դեմ արյուն», «Սամվել», «Արծաթի ճուղի», «Հանդիպում», «Գեղեցիկ շինարարը» պիեսները բեմադրվել են Թբիլիսիի հայկական, վրացական թատրոններում, Հայաստանում եւ Ադրբեջանում:

Արձակագրի ստեղծագործական պատկառելի վաստակը բնորոշվում է գրական բոլոր ժանրերն ընդգրկող հարուստ հետազոտված «Քարափի կածանից» սկսվող գրքերի հարուստ շարքը, դրանց նաեւ վրացերեն, ռուսերեն, ադրբեջաներեն, ուկրաիներեն, բելոռուսերեն թարգմանությունները մեծ մասսայականություն են վայելել: Ասվածը հավուր պատշաճի խոսք չէ. մեր տարեց ընթերցողը կվկայի, որ Բենիկ Սեյրանյանի ապրած տարիներին գիրքն ու ընթերցողը անբաժանելի էին իրարից:

Ժամանակի գրական աշխարհում առանձնակի արձագանք վաստակեցին Սեյրանյանի նովելները: Ունենալով բացառիկ հիշողություն՝ նա գրեթե անգիր գիտեր իր բոլոր նովելները, որոնք արտասանում էր դերասանական վարպետությամբ: Այն օրերի թբիլիսցի հայտնի գրականագետ Արտաշես Մխիթարյանի դիտարկումներում՝ այդ ժանրի գործերն իբրեւ սեղմ խոսքի կոթողներ, արձանագրեցին ժամանակակից նորավեպի մշա-



նավոր, եթե ոչ՝ ամենանշանավոր վարպետի մասին:

Մեր օրերի անվանի թարգմանիչ, բանաստեղծ, հասարակական գործիչ Գիվի Շահնագարն իր ավագ զրջակցին ու մտերիմ բարեկամին այսպես է հիշում. «Բենիկ Սեյրանյանն առաջին հերթին որպես անհատականություն, իրեն հասու ուղորդներում, մեծ դեր կատարեց երկու քրիստոնյա ժողովուրդների մերձեցման գործում: Նա փայլուն արձակագիր էր եւ՝ նույնչափ ճիշտ ու խելամիտ մարդ նաեւ հասարակական գործերում, ինչը մշտապես ու անընդմեջ շարունակվեց նրա երկարատե ողջ կյանքում: Նա մշտապես անմոռանալի կմնա իր հարազատ ժողովրդի հոգում ու՝ այն ժողովուրդների հիշողության մեջ, որոնց լեզուներով թարգմանվել է Բենիկ Սեյրանյանի արձակը»:

Գիվի Շահնագարի եւ մյուս ժամանակակիցների վկայություններով, բացի ստեղծագործական հեղինակությունից, հասարակական միջավայրում եւս ներկայանալի է եղել Բենիկ Սեյրանյան մարդու եւ քաղաքացու կերպարը: Նա գիտակցում էր, որ ինքը պատահական չէր հայտնվել վիրահայ գրականության տվյալ խաչմերուկում... Նա մեծագույն սիրով ու պատասխանատվությամբ էր ղեկավարում Վրաստանում ստեղծագործած հայ գրողներին նվիրված «Պեղծագործություններ» թբիլիսյան «Վարդատոնը», դպրոցական «Գարունը գարնան մեջ» ստուգատես-համերգը: Նա Թբիլիսիի Ալ.Պուշկինի անվան (այսօր՝ Իլիայի պետհամալսարան) մանկավարժական ինստիտուտի հայկական ֆակուլտետի մշտական հյուրն էր՝ գեղեցիկին, սիրուն եւ գեղագիտական տարբեր թեմաների նվիրված զեկուցումներով:

Փառահեղ նվաճում է՝ օտարազգի ընթերցողի երակներում ներարկել հարգանք սեփական ժողովրդի հանդեպ եւ՝ ճանաչել տալ նրան հայն ու հայությունը: Այս հարթակում՝ իբրեւ ազգային կրող, նա դարձյալ մնաց պատշաճ բարձունքում ունենալով լայնախոհ մտավորականին վայել ճանաչում ու հարգանք վիրահայ

եւ վրացական գրական դաշտերում ու Հայաստանում: Տեղին է մեջ բերել Ամենայն հայոց բանաստեղծուհի Սիլվա Կապուտիկյանի՝ Սեյրանյանի մահվան առիթով ասված, խոսքը. «Սգում եմ ժամանակակից հայ գրականության նահապետ, բազմավաստակ գրող, իմ թանկագին գրչեղբայր Բենիկ Սեյրանյանի մահը: Հայրենասեր ու մարդասեր էությանը՝ վրաց եւ հայ ժողովուրդների միջև համերաշխությունը անբասիր պահելու մշտական ձգտումը պետք է օրինակ հանդիսանա բոլորիս համար՝ շարունակելու իսկական մտավորականին վերապահված առաքելությունը, այն է՝ մեր այս բարդ, բազմակնճիռ ժամանակներում, սիրո ու փոխըմբռնման մթնոլորտ հաստատել մարդկանց եւ ժողովուրդների միջև»:

Իր հարուստ ինտելեկտի շնորհիվ Սեյրանյանը շարունակեց ամենակազմ ու գրական կապերով ամրապնդել հայ-վրաց բարեկամությունը՝ մշտական կապի մեջ լինելով վրաց գրական սերունդի հետ. Կոնստանդին Գամախուրդիա, Իոսեբ Գրիշաշվիլի, Ստեփանե Քիաչելի, Գիորգի Լեոնիձե, Գալակտիոն Տաբիձե, Իոսեբ Նոնեշվիլի, Ռեւազ Մարգիանի, Մորիս Փոցխիշվիլի, Գիորգի Նատրոշվիլի, Արչիլ Սուլուկաուրի, Գիորգի Ցիցիշվիլի, Ռեւազ Ջափարիձե, Գուրամ Փանջիկիձե, Եաբուա Ամիրեջիբի, Նոդար Դունբաձե, Ջանսուղ Չարկվիանի... Ո՞ր մեկին թվես:

Մարդկային սերտ շփումները հավաստագրվում էին գրողի՝ վրացուն ու Վրաստանին նվիրված գեղարվեստական անկրկնելի գործերով: Այդպես՝ «Հին Թիֆլիսի ձեները» գրքի էջերում, Սեյրանյանական պատկերավոր գրչի շնորհիվ, վերաբրնացավ վրացիներին ու հայերիս հավասարապես հարազատ հին Թիֆլիսի կերպարը: Ի դեպ, նովելների այդ գողտրիկ ժողովածուն 2013թ.-ին, Բենիկ Սեյրանյանի ծննդյան 100-ամյակի առթիվ, վերահրատարակեց տարանդաշատ բանաստեղծ, թարգմանիչ, երջանակահիշատակ Անահիտ Բոստանջյանը (1949-1917թթ.): Այդ շարքին պետք է դասել նաեւ Սեյրանյանի «Պեղծագործություններ» (1996թ.) տեղեկատու-ուղեցույցը, ինչը ոչ այլ ինչ է, քան կրտսեր արվեստագետի՝ վրաց նվիրական հոգում ապրած հայ գրողների, մշակույթի ու հասարակական գործիչների հիշատակի պահպանման համար, այդ հոգին հղված երախտիքի խոսքը:

Բենիկ Սեյրանյանը սիրում էր հաճախ ասել՝ «Թող աշխարհն ինձ պարտք մնա, ոչ՝ ես նրան»: Այսօրը, հանրափի կերպով, կարծես, իրականացրել է Բենիկ Սեյրանյանի որդեգրած հավատամքը: Գրողը, որից դասեր են քաղել մի քանի տասնյակ սերունդներ, ցավոք, չի հիշվում, նրա անունը չկա մեր դպրոցական քրեստոմատիաներում ու դասագրքերում...

ՋՈՒԼԻԵՏԱ ԲԱՊԱՆՅԱՆ



ՅՅՅՅՅՅՅՅՅՅՅ
ՆԱՅՆՆՆՆՆՆՆՆՆՆՆ

ԵԿԱՄՈՒՏՆԵՐԻ ԾՈՒԱՅՈՒԹՅՈՒՆ
ԲԱՅԱՐԱՅՏԵԼ ԵՆ ԶՂԱՅՏԱԳՐՎԱԾ ՍԻԳՈՐԵՏՆԵՐ

Դեկտեմբերի 10-ին, «Կարմիր կամուրջ» մաքսային անցումակետում, Վրաստանի ֆինանսների նախարարության եկամուտների ծառայության աշխատակիցները, կասկածի հիման վրա, խուզարկել են Ադրբեջանի քաղաքացի Կ.Գ.-ին: Նրա մոտ հայտնաբերվել է, ընդհանուր առմամբ, հազար գլանակ չհայտագրված սիգարետ: Վրաստանի հարկային օրենսգրքի 289-րդ հոդ-

վածի 14-րդ մասի համաձայն, իրավախախտում թույլ տված քաղաքացուց, որպես պատժամիջոց, մաքսանենգային ապրանքը բռնագրավվել է եւ սահմանվել է 1000 լարիի տուգանք:



ԿԱՆԽՎԵԼ Է ՄԱՔՍԱՆԵՆԳԱՅԻՆ ԽՄԻՉՔՆԵՐԻ ՆԵՐԿՐՄԱՆ ՓԱՍՏԸ
Դեկտեմբերի 12-ին, «Ղազբեգի» մաքսային անցումակետում, Վրաստանի ֆինանսների նախարարության եկամուտների ծառայության մաքսային աշխատակիցները, կասկածի հիման վրա, խուզարկել են Հայաստանի քաղաքացի Գ.Վ.-ին պատկանող ավտոմեքենան: Խուզարկության արդյունքում, հայտնաբերվել է շուրջ 203 շիշ տարբեր անվանմամբ ալկոհոլային չիայ-տագրված խմիչք: Գործի նյութերը, հետագա ուսումնասիրության համար, փոխանցվել են ֆինանսների նախարարության հետաքննչական ծառայությանը:

ՀԱՅՏՆԱԲԵՐԵԼ ԵՆ ԹՄՐԱՆՅՈՒԹ ՊԱՐՈՒՆԱԿՈՂ ԴԵՂՈՐԱՅՔ

Դեկտեմբերի 9-ին, «Քութայիսի օդանավակայան» մաքսային անցումակետում, Վրաստանի ֆինանսների նախարարության եկամուտների ծառայության մաքսային աշխատակիցները, կասկածի հիման վրա, խուզարկել են Վրաստանի եւ Հունաստանի քաղաքացիներ Զ.Մ.-ի եւ Կ.Ա.Կ.-ի ուղեբեռները: Խուզարկության արդյունքում, հայտնաբերվել է նշանակալի քանակությամբ (77 հար) թմրամիջոց պարունակող դեղորայք: Գործի նյութերը, հետագա ուսումնասիրության համար, առաքվել են ՆԳ նախարարության համապատասխան ծառայությանը:

